

## IZVOD IZ ZAPISNIKA I ZAKLJUČCI SA XXI IZVJEŠTAJNE SKUPŠTINE UPKP U FBiH

U četvrtak 15.12.2022. godine u Sarajevu, održana je XXI Skupština Udruženja/Udruga preduzeća/poduzeća komunalne privrede/gospodarstva u Federaciji BiH, koja je bila izvještajna.

Od ukupno 62 članice koje aktivno učestvuju u radu UPKP u FBiH i koje postupaju u skladu sa članom 14. i svim ostalim odredbama Statuta UPKP u FBiH, Skupštini su prisustvovala 43 članice iz svih deset kantona/županija u Federaciji BiH i 2 počasna člana Upravnog odbora.

Skupštini su pored članica prisustvovali predstavnici UNDP-a Goran Štefatić, menadžer MEG II projekta i prof.dr. Branko Vučijak, koji su se obratili prisutnima i pojasnili zajedničke aktivnosti UNDP-a i UPKP u FBiH kao i značaj usvojenih dokumenata od Vlade FBiH, **Program za unapređenje vodnih usluga u Federaciji BiH i važnost Metodologije određivanja najniže cijene vodnih usluga u Federaciji BiH.**

Skupštini su prisustvovali i predstavnici Saveza općina i gradova Federacije BiH Amir Kupusija i Edin Demirović, koji su istakli zajedničku saradnju SOGFBiH i UPKP u FBiH.

Dnevni red je usvojen u predloženom tekstu. Nakon uvodnog izlaganja predsjednika Upravnog odbora Selima Babića, uslijedio je radni dio kojim je predsjedavalo radno predsjedništvo od pet članova Udruženja/Udruga preduzeća/poduzeća komunalne privrede/gospodarstva u Federaciji BiH.

Tema Skupštine je bila: „**Aktivnosti na promociji Programa za unapređenje vodnih usluga u FBiH i Metodologija određivanja najniže cijene vodnih usluga u FBiH**“.

### DNEVNI RED

1. a) Usvajanje Prijedloga Poslovnika o radu Skupštine  
b) Usvajanje Prijedloga Verifikacione komisije  
c) Usvajanje Prijedloga Radnog predsjedništva Skupštine  
d) Usvajanje Prijedloga Komisije za Odluke i Zaključke,
2. Razmatranje i usvajanje izvoda iz Zapisnika sa XX Skupštine,
3. Razmatranje i usvajanje Prijedloga Izvještaja o radu između dvije Skupštine,
4. Razmatranje i usvajanje Izvještaja Nadzornog odbora o finansijskim rezultatima poslovanja UPKP u FBiH za period I-XII 2021. godine, usvojenog od strane UO,
5. Razmatranje i usvajanje izvršenja Prijedloga Finansijskog plana za 2022. godinu
6. Verifikacija izmjena u Organima UPKP u FBiH.

Poslije diskusije usvojeni su sljedeći:

### ZAKLJUČCI I ODLUKE

1. a) Prijedlog Poslovnika o radu XXI Skupštine usvojen je u predloženom tekstu,  
b) Prijedlog Verifikacione komisije, u sastavu: Jasna Babić, Hasan Handžić i Osman Čaušević, usvojen je uz izmjenu da je umjesto odsutnog Ibrahima Mujakića imenovan Osman Čaušević. Članica Komisije gđa. Jasna Babić je, nakon izbrojanih listića o prisustvu, podnijela izvještaj da Skupštini prisustvuju 43 članice UPKP u FBiH, što je 69% od ukupno aktivnih članica UPKP u FBiH, tako da Skupština može punovažno donositi Odluke i Zaključke.  
c) Usvojen je prijedlog Radnog predsjedništva u sastavu: Matija Lučić, Selim Babić, Admir Bećirović, Mirsad Merdanić i Zineta Muraspahić.  
d) Usvojen prijedlog Komisije za Odluke i Zaključke u sastavu: Kenan Karavdić, Osman Čaušević i Amer Halilović.

2. Skupština je usvojila Izvod iz Zapisnika sa prethodne Skupštine, koji su ranije usvojili UO i NO, i koji je blagovremeno otpremljen članicama. Zaključke sa XX Skupštine je sačinila Komisija za zaključke i isti su blagovremeno otpremljeni nadležnim institucijama u FBiH i članicama.
3. Prije razmatranja Prijedloga Izvještaja o radu UPKP u FBiH između dvije Skupštine, u svom uvodnom izlaganju predsjednik Upravnog odbora gosp. Selim Babić je naveo važnije aktivnosti UPKP u FBiH u ovom periodu te izdvojio osnovne ciljeve UPKP u FBiH kao što su:
  - Stvaranje adekvatnog poslovnog ambijenta koji će omogućiti bolje poslovanje naših članica;
  - Pomoć i podršku članstvu kroz sve segmente rada,
  - Zadržavanje postojećih i uključivanje novih članica, kroz efikasan rad UPKP u FBiH.

Poslije razmatranja Izvještaja i diskusije, Skupština je usvojila Prijedlog Izvještaja o radu UPKP u FBiH između dvije Skupštine.

4. Prije otvaranja diskusije o Izvještaju Nadzornog odbora o finansijskim rezultatima poslovanja UPKP u FBiH za period I-XII 2021. godine, koji je prethodno usvojen od strane Upravnog odbora, predsjedavajući Skupštine upozorio je na nisku uplatu članarine, te pozvao prisutne da ažuriraju svoje obaveze prema UPKP u FBiH, iznoseći podatak da ima članica koje duži period ne uplaćuju članarinu. Sugestija prisutnih je da članice ostvare kontakt sa svojim kolegama iz kantona, kako bi se potraživanja smanjila, a ukoliko ne počnu da izmiruju svoje obaveze, usvojen je zaključak da se obavijeste o prestanku njihovog članstva u UPKP u FBiH.

Nakon razmatranja i diskusije, Skupština je također usvojila Izvještaj Nadzornog odbora o finansijskim rezultatima poslovanja UPKP u FBiH za period I-XII 2021.

5. Poslije razmatranja i diskusije prisutnih, prijedlog izvršenja Finansijskog plana UPKP u FBiH za 2022. godinu Skupština je usvojila u predloženom tekstu.
6. U periodu između dvije Skupštine u nekim preduzećima došlo je do kadrovskih promjena direktora koji su bili u organima UPKP u FBiH, tako da je Upravni odbor predložio nove članove kako bi UPKP u FBiH moglo nesmetano raditi i donositi pravosnažne odluke i zaključke.

Skupština je usvojila prijedlog i imenovala nove članove Upravnog odbora, a to su Božana Bilandžija umjesto Matije Lučića i Haris Šalo umjesto Sadika Silajdžića.

Tema Skupštine je bila „**Aktivnosti na promociji Programa za unapređenje vodnih usluga u FBiH i Metodologija određivanja najniže cijene vodnih usluga u FBiH**“, koju je obradio gosp. Fuad Mešić, predstavnik UPKP u FBiH u radnoj grupi UNDP-a.

U prezentaciji su prvo prikazana ranija iskustva iz prakse primjene metodologije i početak Projekta UNDP-a i hronologija:

- 2016. godine Projekt UNDP-a GoAL WaSH/Waters „Regulatorni okvir za određivanje cijena usluga vodosnabdjevanja i odvodnje u BiH“;
- Urađen priručnik Metodologije za određivanje cijena usluga vodosnabdjevanja i kanalizacije u BiH;
- Tarifna metodologija testirana u JLS i JP Tešanj, Teslić, Ljubuški i Trebinje;
- Iz testne metodologije jasno se vidjelo da cijene vodnih usluga ne pokrivaju troškove pružanja istih, te neujednačen pristup JLS i JP formiranju cijena vodnih usluga;
- U okviru MEG-I projekta jedna od prioritarnih aktivnosti u 20 projekt JLS i JP bila je i izrada i usvajanje Metodologije za određivanje cijena vodnih usluga;
- Od 18 projekt JLS i JP njih 16 je usvojilo Metodologiju, uvelo troškovne centre, radili planove poslovanja, optimizacije broja uposlenih i planove smanjenja neoprihodovane vode, analize i kalkulacije cijena usluga. Oko polovine projekt JLS i JP je primjenilo metodologiju u smislu da je novi cjenovnik rađen i obrazlagan na opisani način.

### Usvojeni dokumenti:

- U februaru 2022. godine Vlada FBiH usvojila Program za unapređenje vodnih usluga u Federaciji BiH i korištenja najavljene finansijske i tehničke podrške i Metodologije utvrđivanja najniže osnovne cijene vodnih usluga;
- U martu 2022. godine Vlada Federacije BiH usvojila Metodologiju za utvrđivanje najniže osnovne cijene vodnih usluga u Federaciji BiH;
- UPKP u Federaciji BiH prepoznato kao partner Vlade Federacije BiH i nadležnih ministarstva, te međunarodnih organizacija i institucija.

### Prikazane dosadašnje aktivnosti UPKP u FBiH u reformskim procesima u oblasti vodnih usluga u FBiH:

- Učešće predstavnika UPKP u FBiH u radu interresornih radnih grupa za izradu nacrtu Metodologije za utvrđivanje najniže osnovne cijene vodnih usluga u FBiH i Programa reformi u oblasti vodnih usluga u FBiH, te aktivno učešće u javnoj raspravi;
- Učešće predstavnika UPKP u FBiH u radu interresorne radne grupe za izradu sveobuhvatne procjene uticaja prpisa za oblast vodnih usluga u FBiH;
- Učešće predstavnika UPKP u FBiH u promociji Programa reformi u sktoru vodnih usluga i Metodologije, te predstavljanje Udruženja (organizatori MEG II tim i FMPVŠ).
- U saradnji sa MEG II projektom održano 5 radionica u cilju edukacije trenera za primjenu usvojene Metodologije;
- Potpisan sporazum između UNDP-a i UPKP u FBiH o realizaciji projekta „Podrška Programu reformi komunalnih vodnih usluga u Federaciji BiH i promocija primjene tarifne Metodologije“.

### Dalje aktivnosti:

- Promocija Programa unapređenja vodnih usluga i Metodologije;
- Obuka preduzeća za praktičnu primjenu Metodologije (UNDP i UPKP u FBiH) ;
- Inicirati izradu Poslovnog plana i primjenu usvojene Metodologije i pružiti stručnu pomoć JLS i JP sa posebnim naglaskom na 19 JLS i JP učesnice MEG-II projekta i 36 JKP uključenih u projekat UNDP /UPKP u FBiH;
- Do kraja marta 2023. godine, u barem 10 JP iz FBiH, usvojiti Poslovne planove preduzeća i cijene vodnih usluga utvrđene po usvojenoj Metodologiji i iste proslijediti JLS na razmatranje i usvajanje;
- Izradu Nacrta Zakona o vodnim uslugama, te usvajanje istog od strane Parlamenta FBiH;
- Prilikom realizacije planiranih aktivnosti očekujemo pomoć i saradnju UNDP MEG-II projekta, SOG FBiH, nadležnih kantonalnih i federalnih ministarstava, osnivača JP, te ostalih domaćih i inostranih organizacija, saveza i institucija.

### Očekivanja:

- Promjena svijesti i pristupa u pružanju i korištenju vodnih usluga (preduzeće-osnivač-korisnik);
- Transparentan prikaz rada i plana poslovanja preduzeća;
- Racionalizacija troškova poslovanja i broja uposlenih;
- Definisane indikatore uspješnosti preduzeća i vrednovanje rada preduzeća na osnovu istih;
- Definisane statusa vodnih dobara i njihovo uknjižavanje u bilans stanja preduzeća;
- Usvajanje ekonomskih cijena vodnih usluga utvrđenih na osnovu usvojene Metodologije;
- Obezbjedenje proste ili proširene reproduktivne sposobnosti preduzeća;
- Smanjenje gubitaka u mreži;
- Daljnji razvoj i povećanje stepena opskrbljenosti stanovništva i drugih korisnika vodnim uslugama;
- Veći kvalitet i kontinuitet u pružanju vodnih usluga;
- Lakši pristup ulaganjima u vodnu infrastrukturu (grantovi, donacije, kreditna sredstva i slično);
- Zaštita životne sredine efikasnijim korištenjem vodnih resursa, korištenjem obnovljivih izvora energije i izgradnjom PPOV.

Nakon prezentacije organizovana je panel diskusija na kojoj je moderator bio Osman Čaušević, predsjednik Pododbora za vodosnabdijevanje i odvodnju UPKP u FBiH, a panelisti su bili Rusmir Salić (KJKP „Vodovod i kanalizacija“ Sarajevo), Emir Kovač (JP „Vodovod i kanalizacija“ Zenica) i Fuad Mešić (JP „Rad“ Tešanj).

Nakon panel diskusije, učesnicima Skupštine je data prilika da prof.dr. Branku Vučijaku postave pitanja vezana za Metodologiju, kako bi otklonili još neke nedoumice koje su se javile u proteklom periodu, a od prof.dr. Branka Vučijaka su dobili pojašnjenja i adekvatne odgovore.

Izvod iz zapisnika sačinila stručna služba Ureda UPKP u FBiH.



PREDSJEDNIK SKUPŠTINE

UPKP U FBiH

Matija Lučić, dipl.ing.